Date: 27 June 1570
REF: GD112/39/7/18 (SHS ed. No. 108)
Place: Dunollie Castle
From: Dougal MacDougall of Dunollie
To: Colin Campbell of Glenorchy
Address: To his maist speciall frend and eme Collyn Campbell off Glenwrquhar

Rycht honourable Sir and assurit eme efter maist hertlyest commendatiounis. I haif ressavit zow(sic) wretyng and considerit ye samyn towart ye settyng furth off my men conforme to my Lordis dissyre and zowris.<sup>1</sup> Ze salbe assurit yat yai salbe at zow in Glenwrquhar upon Satterday<sup>2</sup> at ewyn with ye chifteinis as I spak to zow of ye quhilk ze wilbe content. Alss I sall send ye namis of my men in wrete to zow and yaim yat cumis nocht bayth ze and I sall towart yaim quhen tyme occuris and remember on yaim. Alss quhar ze wrete yat yis byssynes ryndis<sup>3</sup> to zowr honour ze salbe assurit yat quhat I may do under God sayfand my Lord of Argyllis honour is and salbe reddy at zour command and ye rather for zour adwertisment off ye samyn ondowtly. Alss quhar ze bad me spek Gillespik MacEan MacKallen I hayf done ye samyn alreddy as I had commissioun of zow. Towart yat byssynes ye sall wit yat sayfand my Lordis honour and ze getand his leyf and als ze knawand how my Lord of Atholl and his serwandis ar myndit to him and his fader and frendis and ye hoyll men off Bray [Coaldych]. Yat beand appoyntit he wilbe at command and will not mak nay sure promiss unto ye tyme yat I cum and talk zow in forder byssness towart him. And toward MacIanis attowr ze sall wit assuritly yat it is trewly spokyn to me and tald me effecteously yat ye Klan Dondochy<sup>4</sup> hes promistit faythfully to tak MacIanis and deliver him to Johne Campell' and his sonis as ane contract maid betuix yaim beiris. Yairfor I pray zow and assure zow yat ze stay him fray cuming to yaim in ony wyss or ellis he wilbe in handis for he wes lattly in talkyn with yaim. Yairfor do efter zour wisdoum to sayf him as I dowt not bot ze will. Attour becauss yare is sum secretis in yis wretyng I pray zow efter ve redyng and consideryng off ve samyn vat ze  $ryf^{6}$  ve samyn

yat nane unfrendis get ye samyn nor rede it. As I dout nocht bot ze will ye rather for yis my request. Hayfand na forder occasioun at yis present bot referis ye rest to zowr nyxt adwertisment and ye eternall hayf zow in his protexioun. At Dunollycht ye 27 June 1570. Be zouris gud frend and eme at all power to command as knawis God reddy.

Dowgall MacDowgall off Dunollycht

[PS] The wreter heirof Jhone

Salmond<sup>7</sup> makis his hertlyest recommendatouns and serwyss to zour Maister and to Andro Quhite and Jamis Ruthwen and all serwandis.

<sup>6</sup> Tear up.

<sup>&</sup>lt;sup>1</sup> The 5th earl's letter, 8 June 1570 [109].

<sup>&</sup>lt;sup>2</sup> 1 July.

<sup>&</sup>lt;sup>3</sup> Touches upon.

<sup>&</sup>lt;sup>4</sup> Probably the Campbells of Inverawe.

<sup>&</sup>lt;sup>5</sup> Possibly Lochnell.

<sup>&</sup>lt;sup>7</sup> John Salmond was a notary public and a burgess of Perth, 23 October 1572, AT, VI, 193c, see Introduction.